



Philosophie, Ethik für Sek II

Filosofix

5. Il vel da l'ignoranza

3:13 Minuten

- 00:05** Ils Svizzers ils pli ritgs – mo var 1% da la populaziun – possedan buna-main la mesadad da la facultad da tut ils Svizzers ensemen.
- 00:14** La schanza ch'in uffant d'academichers frequenta ina scol'auta è en Svizra 1,5 giadas pli gronda che tar in uffant da geniturs betg academics.
- 00:24** Dunnas gudognan en Svizra per la medema lavur en media 20% da-main che umens.
- 00:32** Ê quai gist?
Co duess esser in mund, nua ch'i regna vairamain justia?
- 00:40** T'immaginescha che ti possias fixar ensemen cun auters, co ina societad gista sto esser.
- 00:47** Tge bains repartis vus?
- 00:53** Tgi ha tge dretgs?
- 00:57** Tgi survegn il post da schef che mo in po avair?
- 01:02** Tgenina paja è giustifitgada?
Vus discutais e discutais – e skizzais il mund gist.
- 01:10** Per che vossas decisiuns na daventian betg parzialas e per che vus na creeschias betg in stadi a vossa favur, survegnis vus in vel d'ignoranza. Davos quel vel na savais vus betg:
Vegn jau ad esser ina dunna u in um en quel mund? Vegn jau a crescher si en ina famiglia d'academichers bain situada u sco uffant d'ina povra famiglia da migrants? Viv jau en ina citad u en champagna? Senza u cun uffants? Sun jau sportiv u plitost betg? Religius u ateist? Nagin'idea!
- 01:56** Vus faschais las reglas dal gieu, na savais dentant betg, en tge posiziun che vus giugais pli tard.
- 02:03** En quest stadi primar vegnis vus a fixar paucs principis characteristics per il mund gist.
- 02:10** Quella teoria ha John Rawls ch'ha inventà quest gieu da patratgs. El crai che vus as decidais davos il vel d'ignoranza per ina societad, nua che la persuna la pli malsituada stat il pli bain pussaivel, cun quai che vus pudessas esser en quella posiziun. Quest uschenumnà "princip da la differenza" pretenda che perfin inegalitads possian esser gistas, numnadamain lura, sch'ellas van a favur da quels ch'han il pli pauc.

- 02:38** Quai vul dir ch'il CEO d'ina banca gronda possia retrair ina paja exorbitanta senza avoir nauscha conscienza, sche er l'emploia al spurtegl gudogna dapli.
- 02:51** Cunter l'inegualitad na pon ins dir nagut – fintant che tuts profitan.
- 02:57** Constat quai?
Tge è gist?